

**THE UNITED REPUBLIC OF TANZANIA  
NATIONAL EXAMINATIONS COUNCIL  
CERTIFICATE OF SECONDARY EDUCATION EXAMINATION**

**015/1**

**ELIMU YA DINI YA KIISLAMU 1**  
(Kwa Watahiniwa Walioko na Wasiokuwa Shuleni)

**Muda: Saa 2:00**

**Jumanne, 07 Novemba 2017 mchana**

**Maelekezo**

1. Karatasi hii ina sehemu A, B, C, D na E zenye jumla ya maswali **matano (05)**.
2. Jibu maswali **yote**.
3. Simu za mkononi na vitu vyote visivyoruhusiwa **havitakiwi** katika chumba cha mtihani.
4. Andika **Namba yako ya Mtihani** katika kila ukurasa wa kijitabu chako cha kujibia.



1

Ukurasa wa 1 kati ya 8



**SEHEMU A (Alama 10)**  
**SUNNAH NA HADITHI**

1. Katika kipengele (i) – (x), chagua jibu sahihi kisha **andika herufi yake** katika kijitabu chako cha kujibia.
- (i) Sunnah ni mwenendo wa mafundisho ya Mtume (s.a.w) wakati Hadithi ni
- A matendo ya maswahaba wa Mtume (s.a.w)
  - B taarifa juu ya Sunnah
  - C mapokezi timilifu ya taarifa iliyotolewa na maswahaba
  - D matendo na taarifa za awali za Mtume (s.a.w)
  - E sehemu ya mafundisho ya Qur'an.
- (ii) Sunnah ya Mtume (s.a.w) inafahamika mpaka hivi leo kwa sababu ipi?
- A Mtume (s.a.w) tangu mwanzoni mwa utume aliwaamuru Waislamu waandike Sunnah yake.
  - B Yeye mwenyewe Mtume (s.a.w) alichukua dhima ya kuandika Sunnah yake.
  - C Maswahaba walimuigiza Mtume (s.a.w) na kuhifadhi mafundisho yake katika vifua vyao na katika maandishi.
  - D Taabina walitumia sana Hadithi za Mtume (s.a.w) kutoa fatwa zao.
  - E Waumini waliifanya Sunnah ya Mtume (s.a.w) ndiyo dira ya kuitafsiri Qur'an katika matendo.
- (iii) Mwandishi wa kitabu cha Hadithi cha Al-qatadaya kilichoandikwa wakati wa maswahaba ni nani?
- A Ibn Abbas (r.a).
  - B Abubakar (r.a).
  - C Ali bin Abu-Twalib (r.a).
  - D Ummar bin Khatab (r.a).
  - E Uthman bin Affan (r.a).
- (iv) Hadithi kamilifu imegawanyika katika sehemu kuu mbili ambazo ni
- A Isnad na Matini
  - B Sahihi na Hassan
  - C Qudus na An-nabawy
  - D Ahad na Mutawatir
  - E Maudhui na Hassan
- (v) "Rawahu As-habu Sunani" pia ina maana sawa na
- A Rawahu Muslim
  - B Rawahu Khamsa
  - C Rawahu Abu Daud
  - D Rawahu Arbaa
  - E Rawahu Bukhari
- (vi) Ni tukio lipi lililotokea katika kipindi cha maswahaba na kuufanya uandishi wa Hadithi za Mtume (s.a.w) kuwa muhimu?
- A Kutoweka kwa maswahaba wa Mtume (s.a.w).
  - B Mgogoro wa kumpata Khalifa wa kwanza (s.a.w).
  - C Kuzuka kwa vita vya wenyewe kwa wenyewe miongoni mwa maswahaba.
  - D Kuzuka kwa Hadithi za uongo.
  - E Kupanuka kwa dola ya Kiislamu.

- (vii) Matini ya Hadithi za Mtume (s.a.w) maana yake ni  
A mapokezi ya Hadithi zaidi ya moja      B ufafanuzi wa Qur'an tukufu  
C kigezo cha usahihi wa Isnad      D kauli au matendo ya Mtume (s.a.w)  
E kauli na matendo ya Muhadithina.
- (viii) Katika kipindi cha Maswahaba (Tabii-Tabiina), wanazuoni walioifanya elimu ya Hadithi kuwa fani miongoni mwa fani za elimu ya Kiislamu ni  
A Suyut na Ibn Hajar Asqalah  
B Bukhar na Muslim  
C Ahmad bin Hambal na Malik bin Anas  
D Umar bin Abdul-Aziz na Suyut  
E Tabaran na Al-Qutmiy
- (ix) Katika mwaka wa 11 hadi 101 AH matatizo mengi yalitatuiliwa kwa hukumu zilizotokana na  
A maamuzi ya shura  
B sharia za Kiislamu  
C wataalamu wa Bani Umayyah  
D sharia za mahakama zilizotungwa na maswahaba  
E Hadithi zilizohifadhiwa na maswahaba
- (x) Miongoni mwa mambo muhimu ambayo yanatia nguvu usahihi wa Hadithi ni  
A ushiriki wa mpokezi wa jihadi      B umri wa mpokezi  
C uzalendo wa mpokezi      D imani ya mpokezi  
E udhibitifu wa mpokezi.

**SEHEMU B (Alama 15)**  
**QUR'AN**

2. Oanisha maudhui ya Qur'an yaliyopo katika **Orodha A** na Sura za Qur'an zilizopo katika **Orodha B**. Andika herufi ya jibu sahihi kutoka Orodha B pembeni ya namba kutoka orodha A katika kijitabu chako cha kujibia.

Orodha A	Orodha B
(i) Sura nzima ya mwisho kushushwa kwa Mtume (s.a.w).	A Al-Alaq
(ii) Aya tano zilizofuatana zikiwahimiza wanadamu juu ya swala la kujielimisha.	B Al-Falaq
(iii) Allah (s.w) alionesha kuwepo kwake na uwezo wake pale alipomhulikisha Abrah na jeshi lake.	C Al-Fatihah
(iv) Qur'an ilianza kushushwa katika usiku wenye cheo.	D Al-Baqara
(v) Sura ndefu kuliko sura zote katika Qur'an.	E Al-Lahab
(vi) Ili mwanadamu apate kufuzu hapa duniani na Akhera hana budi kuchunga muda.	F Al-Kafiruun
(vii) Sura inayojulikana kwa jina la Ummul-Kitaab.	G Al-Imraan
(viii) Mwanadamu ameghafilika na lengo na hadhi yake hapa ulimwenguni na kupupia wingi wa mali, wake na watoto.	H Al-Qadr
(ix) Qur'an ilishushwa kwa lengo la kuwaongoza wanadamu.	I Al-Asr
(x) Tutakusomesha (tutakusomea) wala hutasahau. Ila akipenda Mwenyezi Mungu.	J Al-Aala: 6-7
(xi) Tumuombe Allah (s.w) mahitaji yetu mbalimbali kwa kutanguliza sifa zake tukufu.	K Al-Ikhlash na Al-Falaq
(xii) Al-Muawwidhatain ni jina la pamoja la Sura mbili.	L Al-Baqara: 2
(xiii) Makuraysh walimtaka Mtume (s.a.w) ashirikiane nao katika ibada.	M At-Takaathur
(xiv) Ardhi itatoa maelezo ya mambo yote yaliyotokea duniani.	N Al-Fatihah: 2-5
(xv) Miongoni mwa miujiza ya Qur'an ni kutosilimu kwa ami yake Mtume (s.a.w) mpaka kufa kwake.	O Quraysh
	P An-Nasr
	Q Al-Fiil
	R Al-kauthar
	S An-Naas na Al-Falaq
	T Az-Zil-Zal

**SEHEMU C (Alama 15)**  
**TAWHIID**

3. Panga vipengele vya (a), (b) na (c) katika mtiririko wenye kuleta mantiki. Andika **herufi na namba tu** zinazohusika katika Kijitabu chako cha Kujibia.
- (a) Katika Uislamu hakuna imani ya kibubusa.
- (i) Aliyeumba awali atashindwaje kuumba mara ya pili?
  - (ii) Miongoni mwa hoja kubwa za wakanao ufufuo ni kuwa ni muhali mtu kufufuka baada ya kuoza na mifupa yake kusagikagika.
  - (iii) Umbile la mbingu na ardhi, nafsi ya mwanadamu na historia ya Mitume ni miongoni mwa alama kuu za kuthibitisha kuwepo Allah (s.w).
  - (iv) Pamoja na miujiza waliyopewa mitume kuna alama nyingine mbalimbali zinazothibitisha kuwepo kwa Allah (s.w).
  - (v) Kumkanusha Allah (s.w) kunakwenda sambamba na kukanusha kuwepo siku ya malipo.
- (b) Ili mwanadamu aepukane na kibri kutokana na fadhila alizopewa ni muhimu azingatie maneno ya Allah (s.w) yafuatayo:
- (i) Bila shaka wewe ni mwenye uweza juu ya kila kitu.
  - (ii) Kheri imo mkononi mwako.
  - (iii) Sema, ewe Mola uliyemiliki ufalme wote.
  - (iv) Na humtukuza umtakaye na humdhalilisha umtakaye.
  - (v) Humpa ufalme umtakaye na humuondolea ufalme umtakaye (3:26).
- (c) Roho ya mwanadamu ni ya milele inakuwepo katika vituo tofauti tofauti tangu kuumbwa kwake.
- (i) Kuumbwa kwa roho mbalimbali na kuhudhurishwa mbele ya Allah (s.w).
  - (ii) Roho kuadhibiwa au kustareheshwa.
  - (iii) Roho kutiwa katika mimba ya mama.
  - (iv) Kukiri kwa roho hizo mbele ya Allah (s.w) kuwa ndiye muumba wao.
  - (v) Roho kujitenga na mwili.

**SEHEMU D (Alama 30)**  
**FIQH**

4. Jibu maswali yafuatayo kwa kifupi kwa **kuandika majibu** katika kijitabu chako cha kujibia.
- (a) Ili kuthibitisha kuingia katika Uislamu mtu hutakiwa kufanya jambo gani? Taja jambo hilo.
  - (b) Nguzo za tayamam ni nne; taja nguzo mbili tu kati ya hizo.
  - (c) Orodhesha swala ambazo haziingii katika tahfifu ya kupunguza rakaa.
  - (d) Taja mambo mawili ambayo yakifanywa ibada ya Umra hukamilika.
  - (e) Bainisha nisaab ya ng'ombe na kiasi cha kutoa.
  - (f) Ainisha sifa mbili za mashahidi wanaopaswa kushuhudia ndoa ya Kiislamu.
  - (g) Orodhesha mambo mawili yanayoharibu funga (swaumu) ya mtu.
  - (h) Tofautisha kati ya mfumo wa uchumi wa Kiislamu na wa Kijahili kuhusu dhana ya bidhaa.
  - (i) Elezea tofauti iliyopo kati ya adhabu ya mlevi na ya mzinifu.
  - (j) Toa maelezo mafupi kuonesha jinsi msafiri alivyorahisishiwa swala.
  - (k) Taja sifa mbili za Waislamu wanaolazimika kufunga mwezi wa Ramadhani.
  - (l) Orodhesha mambo mawili yanayomzuia mtu kurithi mali.
  - (m) Bainisha hukumu ya mwanamke aliyeachwa na mume mara baada ya kufunga ndoa lakini hawajafanya tendo la ndoa.
  - (n) Andika tafsiri ya aya inayoonesha lengo la kutoa zaka.
  - (o) Bainisha nafasi ya Mwenyezi Mungu na mwanadamu katika falsafa ya umilikaji mali kwa mtazamo wa Uislamu.

**SEHEMU E (Alama 30)**  
**TAREKH**

5. Chagua **nen** au **kifungu cha maneno** (i) – (xxx) ili ukamilishe sentensi (a) – (o) kwa kuandika majibu sahihi tu katika kijitabu chako cha kujibia. Maneno au vifungu vya maneno vinaweza kutumika zaidi ya mara moja.

(i) Mkweli	(xvi) Hijjatul-wadai
(ii) Kiuchumi	(xvii) Kudhihakiwa
(iii) Wayahudi	(xviii) Ali na Muawiya
(iv) Qur'an	(xix) Ugonjwa
(v) Ummul-Qura	(xx) Umayya bin Khalaf
(vi) Sarah	(xxi) Nyani
(vii) Jaffar bin Abuu Talib	(xxii) Mwaminifu
(viii) Maovu	(xxiii) Kielimu
(ix) Hifadhi	(xxiv) Aqaba
(x) Kupigania uhuru	(xxv) Nashrah
(xi) Al-balad-amin	(xxvi) Habasha
(xii) Adam na Hawa	(xxvii) Hajir
(xiii) Mhabeshi	(xxviii) Kisiasa
(xiv) Kudharauliwa	(xxix) Wakristo
(xv) Abuubakar na Omar	(xxx) Sunnah

**Maswali**

- (a) Mambo mawili maarufu yanayoonesha kuwa Mitume hawaathiriwi na mazingira katika maisha yao kabla ya kupewa utume kwa Mtume (s.a.w) ni \_\_\_\_\_ na \_\_\_\_\_.
- (b) Makafiri wa Makka walimpinga Mtume (s.a.w) na utume wake kwa sababu za \_\_\_\_\_ na \_\_\_\_\_.
- (c) Wapinzani wa dola ya Kiislamu walikuwa Makafiri wa Kikureish na wasaidizi wao, wanafiki, \_\_\_\_\_ na \_\_\_\_\_.
- (d) Serikali huwa ya Kiislamu pale inapoendeshwa kwa misingi ya \_\_\_\_\_ na \_\_\_\_\_.
- (e) Kwa mtazamo wa Uislamu, asili ya mwanadamu si \_\_\_\_\_ ; wala hadhi yake hapa ulimwenguni si sawa na ile ya mnyama kwani Qur'an inatufundisha kuwa binadamu wote ni watoto wa \_\_\_\_\_.
- (f) Bilal alikuwa \_\_\_\_\_ na mtumwa wa \_\_\_\_\_ ambaye alikuwa adui mkubwa wa Uislamu.
- (g) Miezi miwili baada ya \_\_\_\_\_ Mtume (s.a.w) alishikwa na \_\_\_\_\_.

- (h) Kikundi cha Waislamu kiitwacho Khawarij walikubali mamlaka au ukhalifa wa \_\_\_\_\_ tu hawakumkubali \_\_\_\_\_.
- (i) Miongoni mwa mateso ya kisaikolojia aliyoyapata Nabii Nuhu (a.s) kutoka kwa wapinzani wa ujumbe wa Mwenyezi Mungu ni \_\_\_\_\_ na \_\_\_\_\_.
- (j) Wake wa Mtume Ibrahim (a.s) walikuwa ni mama \_\_\_\_\_ na \_\_\_\_\_.
- (k) Mzigo mzito uliomvunja Mtume (s.a.w) unaotajwa katika sura \_\_\_\_\_ ni \_\_\_\_\_ yaliyodumu kwa muda mrefu.
- (l) Kiongozi wa Hijra ya mwanzo kuelekea \_\_\_\_\_ alikuwa ni \_\_\_\_\_.
- (m) Mikataba ya \_\_\_\_\_ ilisaidia sana katika kumhakikishia Mtume (s.a.w) kupata \_\_\_\_\_ kule Madina.
- (n) Waislamu wa Tanganyika walikuwa mstari wa mbele katika \_\_\_\_\_ kutokana na kunyanyaswa kwao \_\_\_\_\_.
- (o) Kutokana na utukufu wake mji wa Makka pia umeitwa katika Qur'an kwa jina la \_\_\_\_\_ yaani mama wa mji (Qur'an 42:7) na pia umeitwa \_\_\_\_\_ yaani mji wa amani (Qur'an 95:3).